

臺海文獻匯刊

主編 名譽主編

陳支平 林曉峰
蕭慶偉 鄧文金 施榆生

22



廈門大學出版社 國家一級出版社
XIAMEN UNIVERSITY PRESS 全國百佳圖書出版單位

第七期

目 要

吳光雲閣浮題

名譽主編 陳支平 林曉峰
主 編 蕭慶偉 鄧文金 施榆生

二十三年季秋稿



木岳詩草補遺

丁浩儒署

臺海文獻匯刊

鍊梅老子自題

六肚皮集

三堂藏板



大岳詩草補遺

館

策劃編輯單位 閩南師範大學閩南文化研究院 廈門大學兩岸關係和平發展協同創新中心



新聞出版改革發展項目

福建省社會科學規劃重大項目（項目編號2014Z001）成果

自版

期五第卷一第

臺灣銀行季刊
日要期一第卷四第

土地

要目

民主教育
論環境與教育
國民教育之我見
青年之精神修養
加國先民之調查方法

白月讀



海外番夷錄

報西進



臺灣省糖業試驗
研究彙報

REPORT
OF THE
TAIWAN SUGAR EXPERIMENT STATION

號刊創

青年

THE CHOW HEE SUGAR EXPERIMENT STATION
KAPLAN TAI-GAN CURIA

印編部黨總台屬直黨民國國中

坦蕩蕩齋文集序

嘉應 吳子光 芸閣

吐吐窮措大。髮星星其二色矣。靴月逾邁。一事無成。徒挾此貌焉。
 者。視聽息於婆娑世界。中非罔則。贅惡用是。握管嚶嚶。為予自
 六歲就傅。十二歲而大經中經小經皆卒業。始學作科舉文字。鄉
 先達見而竒之。曰。此子必以古。文名世。劉蛻天荒之事。可徵矣。予
 聞言竊喜。自負然。屢試屢刷。不獲已。之為臺灣之行。臺灣古昆舍耶。
 國。天風海濤。竒峰邃谷。奧博雄傑之勢。甲天下。予得取資之以壯
 文。瀾自是胸次稍覺空濶。而余之文一變矣。間歲遂受徐清惠公
 之知。深以國士相待。追隨者久之。未幾而有戴萬生之亂。時賊鋒

甚惡鎮道相繼敗亡以節義自奮誓不為賊所污日惟披覽書史
 密為恢復計凡哀鴻殲鼠借劍請纓胸中所款言而不敢言又不
 得不言者悉於文為發之蓋事勢愈艱虞閔歷愈廣而挾以忠憤
 不屈之氣與英雄失路託足無門之悲雖軍旅中無暇言文而余
 之文又一變矣乘間得脫乃百里走浚水依弟侄以居為賈逵舌
 耕事乙丑舉于鄉因得與名公鉅卿遊一時獻縞贈紵若交臂惟
 恐失之遂以詩文鳴縉紳間會香根陳侯奉檄署浚水篆既至政
 成民和有議脩廳志之舉侯與諸紳士謀曰江淹有言脩史莫難
 于志今郡邑志即史之流派也非才學識兼長與其人術品行

粹然無傾險側媚之習者不足以膺厥任。微吳君其誰與歸。最肆
其論。遂殷然以幣聘。果一見如平生歡。侯名培桂。高要名士。屢司
分校。任有吏才。脫畫烏紗。局俗套。為余籌及家計。與身後名。意甚
摯。雖鮑叔之於管仲。不是過也。嘻。此種風雅。其不可求之風塵俗
吏。明矣。今歲僑居互鄉。有再三掉磬者。余不報無道。一以南方之
強勝之。無聊時。將舊作蒐輯。方愧螢鳴蟲吟。終日手一編。相對偶
有篇章。不過奪他人之酒杯。澆自己之壘塊耳。惡哉。其為文章報
國乎。然數十年之行藏交際。已和盤托出矣。足跡則由梅而循。而
潮。而漳。而八閩。而海疆。遭逢則由黨而序。而學。而名場。而友教。馬

背船唇歷歷可俚指數蓋窮院第一卞潔第一嗜讀書作文第一
意外遭口舌第一未識天之生此一人者何意異日臨史中之位
置果居何等也有論世者當于唐子畏徐青藤數君子中求之
吳子曰自古忠臣義夫烈婦只博得虛名于天壤其艱辛創鉅
人所不忍言之屢千載下猶有餘哀此事可于廿一史中觀之
否則于宦海波濤中徵之若一介書生猶其微焉者也
忠臣下漏孝子二字此宜照裴表松之補註之例

紀諸山形勝

大肚山無首無尾如人引地上一副腰腹空殼別無精神血脈
 之留山以大肚名省甚而隨其山長三十里有奇寬二十里有奇
 有邨有市有田畝有果蔬多秀色有草木多異香臺山之最高腴
 者也雖然吾病其平今天簣假山者方將為累土壘石刻意為懸
 崖峭壁屈曲嶽岵總不使人一覽可盡謂咫尺中具萬里之勢也
 至于平則無一而可者也以理觀海平則勢懦弱民狎而玩之
 矣以此理推之論文平則蹈常襲故未免為老生常談矣以此理
 通于觀人平則甜俗無氣骨不能為忠孝節義有愧宇宙間第一

余曩客彰時過謝瓊枝明經家席間見有為慶封祀祭又小醜
 大醜如湯沃雪適合枚乘七發所稱者余異之問其族曰蟻氏
 某名東粵潮陽人余曰奇哉萬姓統譜未之前聞也駸駸乎與
 蠻觸氏比烈矣因廣考之前漢書藝文志蠅子十三篇師古註
 名淵楚人老子弟子蠅姓也通志氏族畧齊武帝以巴東王子
 響叛逆改為蠅氏唐書則天本紀削越王貞及瑯琊王冲屬籍
 改其姓為虺氏王符潛夫論虺氏子姓也唐乾封元年改武惟
 良為蝮氏又考氏族畧姚萇蛇后南安人
 蟻氏亦蠅氏蝮氏虺氏蛇氏類耶

此左傳所謂蛇乘龍也
 然在襄公二十八年

按路史

宋羅泌撰
長源

通志

宋鄭樵撰
英洽

玉篇

梁顧野王撰
希馮

廣韻

隋陸法言撰
宋陳彭年等增修

說文

漢許慎撰
叔重

經典釋文

唐陸元朗撰
德明

風俗通

漢應劭撰
汝南

日知錄

顧炎武撰
甯人

漢書

班固撰
孟堅

後漢書

范蔚宗撰
五代宋

書吳氏家譜後

吾家舊藏宗譜一冊嘗取閱之見有朱晦翁文信國王十朋真西山倫文敘諸公為序弁諸卷端備言吳氏世德作求為之後者當振興奮發以嗣家風于勿墜一篇之中三致意焉其世系以軒轅為鼻祖遞衍于泰伯仲雍爰啟勾吳一脈至壽夢始大惟延陵季子賢最著故吳氏獨宗之自是一傳再傳凡史冊中名賢將略若

吳公起功業。若番君清德。若吳公隱之。勛名若公。漢良史。若公。吳
 競理學。若吳公澄等。皆一一編入譜中。祖有德而宗有功。譜系大
 抵然也。但朝代世次顛倒。戾謬處不少。此郊子所謂吾祖也。我知
 之。思欲釐正其闕。自維譚陋。又家貧無力購致全史。以助考據。故
 事未舉行。作史有三長。必才學識兼資。而後可謂之史。于譜亦然。
 蓋非作之難。而修之難。非文辭華美之為貴。而世系得當之為貴。
 也。士人讀聖賢書。所學何事。幸假我數年。甯靳此一副精神。與先
 世相揖讓于一堂哉。一息尚存。此志不容少懈。意吾祖宗在天之
 靈。默為相之。

余按魯襄公二十五年春秋書吳子使札來聘。觀六代禮樂。又與鄭子產諸賢通編。紅意慈歡。事備左傳。檀弓載延陵季子適齊。有歸葬贏博一事。聖人往觀。以為合禮。今季札墓在江陰縣西二十五里。孔子題其墓碑曰。嗚乎。吳延陵季子之墓。字類小篆。與蝌蚪文不侔。世傳為宣聖手蹟。高士傳有負薪見金。遇披裘公一節。事虛實不可知。左傳魯昭公二十七年。延州來季子聘于上國。註季子本封延陵。後復封州來。故曰延州來。云又季子有掛劍徐君墓樹一事。洵信義君子也。史遷乃以任俠概之。何耶。按史記體例。世家以敘侯王。列傳以敘公卿士庶。今史記世家以吳太伯為第一。

是矣。惟置衡山王子列傳直等陳涉而下之。則未知其用意之所在也。大抵腐遷史筆高古與盲左相伯仲。任百家騰躍無能出其範圍者。惜身陷宮刑。受千古不白之冤。憤激所至。疎漏未免。故有謗書之號。莊子心無天遊。則六鑿相擾。正謂此也。然其書固超絕前後。可懸諸日月。而不刊雖有褚少孫司馬貞之補作。優絀判然。是謂貂不足。狗尾續。又在裴松之三國志補注下矣。

錄舊作起成公家譜序一段

按後漢書獻帝紀。有下邳賊闕宣。註闕宣闕黨童子。之後予不禁拍案狂叫。命僮取太白來讀史數十載。總難得此絕妙下酒物也。

蘇子美如告我矣謂童子有後不奇童子有後而作賊以沉其宗
則奇人以讖記數言貽殃嗣氏不少予獨以居位速成童子自將
命時已種厥禍胎非徒無益而又害之故勢不至滅族不止蓋必
有賢高曾乃有佳子弟天理即在人事中有決然無可疑者予故
倣范文正公吳門置義田事例綱舉目張行之百世可無弊是舉
也一事而三善備焉尊祖也睦族也承先裕後也更願繼體者數
典無忘其祖孝弟力田以振家聲而綿世澤則保守宗祊之道思
過半矣予已喜今時之能然又慮他時之未必然也故書之以為
後世之為人子孫者勸

浚水廳修志試筆

此數十篇。皆修志後所擬者。初陳司馬培桂之設志局也。事在同治戊辰。間業闕。聘有專責矣。適臺帥薦其幕客某。至客亦某科。榜素以燕國公自期。許者也。司馬以問余。余曰。何害。甯不聞歐宋修唐書事。例乎。居無何。司馬誕日。邑人士以侑觴之辭屬余。余曰。有客在。盍商之。客果攘臂而起。以當仁空不讓也。文成。余視之曰。孽矣。如此。鴻才欲于誌局中分一席坐位。是淮陰絳灌並列。漢廷無庸。我不願行。邀耳。會司馬至局。因畫二說以進。曰。修史莫難于志。鄭夾漈曾言之。乞捐二千金。以虞廷考績為例。三載歲事當成。

一家之言卓然為三百里山川增色也。若照宋金華修元史之例，限六閱月成書，能事逼促，非特無此才，亦無此精力。幸舊稿具存，某客無恙，姑以傭書之役歸之。則山人可擱筆以去矣。二者將奚擇？司馬意在恤費，陽以五日京兆為辭，且重違臺帥意，粉飾具文。故今有浚水廳志。行世客後，與司馬奮相關，中以蜚語遂解任。識者鄙之。此事余愧無功，猶之舊唐書雖列劉昫職名，實則昫備員，弗用。不過附驥以傳者爾。閱所刊刻筆冗詞繁，多將吏禮各房冊籍抄錄一遍，且徵引失據。至今賢人孝子嘖嘖儒士之口，弗哀謂索米乞金之故，智復見一日使獲清廉耿介如某某者，總裁局中。

何至謬誤。若此，余有憾。燕言亦可見公論自在人心矣。山人拂袖
後，技癢不已，故擬定者若干篇。私志與私史不同。私史大干例禁
私志，則否。此後苟有長吏，可與語史學者，當抱此冊出為印証。任
海內外具手眼人辨之。